

# მესტიის მუნიციპალიტეტის საკრებულოს

დადგენილება №39

2013 წლის 30 დეკემბერი

დ.მესტია

## „მესტიის მუნიციპალიტეტის საკრებულოს აპარატის დებულების დამტკიცების შესახებ“ მესტიის მუნიციპალიტეტის 2013 წლის 13 მარტის N-18 დადგენილებაში ცვლილების შეტანის შესახებ

„ადგილობრივი თვითმმართველობის შესახებ“ საქართველოს ორგანული კანონისა და „ნორმატიული აქტების შესახებ“ საქართველოს კანონის შესაბამისად

### მუხლი 1

შევიდეს ცვლილება „მესტიის მუნიციპალიტეტის საკრებულოს აპარატის დებულების დამტკიცების შესახებ“ 2013 წლის 13 მარტის N-18 დადგენილებაში ([www.matsne.gov.ge](http://www.matsne.gov.ge), 20/03/2013 სარეგისტრაციო კოდი: 010260020.35.103.016084).

1. I-თავში, მუხლი 1-ს დაემატოს – მე-4 ქვეპუნქტი და ჩამოყალიბდეს შემდეგი რედაქციით:  
მუხლი 1.

4. საკრებულოს აპარატი არ არის იურიდიული პირი. აპარატს აქვს ბეჭედი და ბლანკი.

2. II-თავში, მუხლი 4-ს დაემატოს — „დ“–ქვეპუნქტი და ჩამოყალიბდეს შემდეგი რედაქციით:  
დ) იურიდიულ საკითხთა განყოფილება.

3. III-თავს დაემატოს – მუხლი 7<sup>1</sup> და ჩამოყალიბდეს შემდეგი რედაქციით:  
თავი – III.

### მუხლი 7<sup>1</sup>. იურიდიულ საკითხთა განყოფილება:

ა) ამზადებს საკრებულოს თავმჯდომარის სამართლებლივ აქტებს:

ბ) მონაწილეობას იღებს შესაბამის კომისიებთან ერთად საკრებულოს მიერ მისაღებ სამართლებლივი აქტების მომზადებაში;

გ) ორგანიზაციულ და მეთოდურ დახმარებას უწევს საკრებულოს, საკრებულოს თავმჯდომარეს, საკრებულოს ბიუროს, საკრებულოს კომისიებს, საკრებულოს ფრაქციებს, საკრებულოს დროებით სამუშაო ჯგუფებს და საკრებულოს წევრებს სამართლებლივი აქტებისა და სოციალურ-ეკონომიკური შინაარსის პროექტების შემუშავებაში;

დ) ახორციელებს საკრებულოსა და საკრებულოს თავმჯდომარის სამართლებლივი აქტების პროექტების სამართლებლივ ექსპერტიზას;

ე) წარმოადგენს და იცავს საკრებულოს ინტერესებს სასამართლოში;

ვ) ახდენს საკრებულოსა და საკრებულოს თანამდებობის პირების სამართლებლივი აქტებისკოდიპიკაციას და სისტემატიზაციას: აკონტროლებს მათ შესაბამისობას საქართველოს კანონმდებლობასთან, საჭიროების შემთხვევაში ამზადებს წინადადებებს მიღებული სამართლებლივი აქტის გაუქმების ან მასში ცვლილებების შეტანის შესახებ.

ზ) ახორციელებს საქართველოს კანონმდებლობითა და ამ დებულებით განსაზღვრულ სხვა უფლებამოსილებებს.

4. III-თავის მე-6 მუხლიდან, ამოღებულ იქნეს –„ე“– ქვეპუნქტი;

5. IV-თავის მე-8 მუხლიდან, ამოღებულ იქნეს –„ე“– ქვეპუნქტი;

6. V-თავის მე-10 მუხლიდან, ამოღებულ იქნეს – მე-3 –ქვეპუნქტი;

7. V-თავში, მუხლი 11. ჩამოყალიბდეს შემდეგი რედაქციით:

მუხლი 11. აპარატის საჯარო მოსამსახურეთა თანამდებობრივი სარგოსა და შტატების დამტკიცების წესი



აპარატის საჯარო მოსამსახურეთა თანამდებობრივი სარგოს განაკვეთებს, თანამდებობათა დასახელებებს და შტატებს მოქმედი კანონმდებლობის შესაბამისადამტკიცებს საკრებულოს თავმჯდომარე.

**მუხლი 2**

დადგენილება გამოქვეყნდეს საქართველოს კანონმდებლობით დადგენილი წესის შესაბამისად.

**მუხლი 3**

დადგენილება ძალაში შევიდეს გამოქვეყნებისთანავე.

მესტიის მუნიციპალიტეტის  
საკრებულოს თავმჯდომარე

გოჩა ხორგუანი

